



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

CCLXXXVI. Kurfürst Friedrich gewährt der Stadt Königsberg für die Zeit, daß die Neumark ihm oder seinen Nachkommen gehören werde, Zollfreiheit in der Mark Brandenburg und auf den Flüssen Oder, Havel ...

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

willen ene nicht argen, sunder allewege-syn vnde der synen beste bewetin, so wy ymmer konen vnde mogen In tokomeden tiden. Des to orkunde So hebben wy vorgedachten Radmanne williken mit gantzer eyndracht der Stad Ingesegel nedden an diffin vnser openen breff hengen vnde vesten laten, De gegeuen vnde geschreuen is na der bort christi Jhesu vnser heren M^o CCCC^o LIII in profesto Sancti Bartolomei apostoli.

Nach dem Original des Königsberger Stadtarchives No. 238.

CCLXXXVI. Kurfürst Friedrich gewährt der Stadt Königsberg für die Zeit, daß die Neumark ihm oder seinen Nachkommen gehören werde, Zollfreiheit in der Mark Brandenburg und auf den Flüssen Oder, Havel und Elbe, am 23. April 1454.

Wir Friederich, von gots gnaden Marggraue zcu Brandenburg, des heiligen Romischen Reichs Erzkammer vnde kurfurste vnd Burggraue zcu Nürinberg, Bekennen offentlich mit difzem briue vor uns, vnsern Erben vnd Nachkomen, Marggrauen zu Brandenburg, Das wir von besondere gunst vnd gnade und von sulcher trouer fleisziger dinsten wegen, so vns vnser liebe getruwen Borgermeister, Ratmann vnd ganze gemeyne vnser Stat konigßberg in zekunfftigen zeyten tun sullen, konen vnd mogen, denselben Borgermeistern, Ratmanne, borgeren vnd Inwoneren der gnanten vnser Stat konigßberg solch vnser besunder gnade vnd fryheit gegeben haben, Das sie in vnsern landen der Margk zcu Brandenburg in allen vnd iglichen Steten, Mergkten, dorffern vnd durch vnd uf den wasseren Oder, Havel vnd Elbe, die weyle wir, vnser Erben oder nachkomen sulch land die Nuwe Margke uber oder innehaben, zcol frey sein sullen, vnd geben vnd tun den gnanten vnsern Bürgermeistern, Ratmanne, burgeren vnd Inwoneren vnser Stat koningßberg, das sie durch vnser lande der Margke zu Brandenburg, die weyle wir, vnser Erben oder nachkomen die Nuwe Margke uber oder innehaben, durch vnser Stete, Mergkte, dorffer, wasser, Oder, Havel vnd Elbe ganz zcol frey sein sullen, in Craft vnd macht difzes briues. Zcu orkund mit vnserem anhangenden Ingesigel verfigelt. Hirbey vnd ober sind gewesen die wolgeboren werdigen, Gestrengen vnd Erbaren vnser Rete vnd lieben getruwen her Gotfrid Graue zcu Honloch vnd zcu Zcigenhayn, her Friderich Sesselman, doctor beider rechten, Thumprobst zu Iubus, vnser Cantzler, Jorge von Waldensfels, Claws Sparre, Caspar von Waldow vnd Baltzar von vchtenhagen, Ritter, Pawl von Conrestorff, vnser liebe gemaheln hofemeister, heyne pful vnd Otte von der Marwitz. Gegeben zcu koningßberg am dinstag nach dem heiligen Ostertage, nach gots gebort virzehenhundert vnd darnach Im vir vnd fünfzigsten Jaren.

Nach dem Original des Königsberger Stadtarchives No. 242.